



**Եվրասիական  
տնտեսական  
միության  
և Իրանի Իսլամական  
Հանրապետության միջև  
ազատ առևտրի գոտու  
ստեղծման հնարավորությունները  
և Հայաստանի Հանրապետության  
անելիքները**

ՀՅԴ Բյուրոյի տնտեսական  
հետազոտությունների գրասենյակ



research@arf.am



010 52 18 90



ք.երևան, 0010  
Մ. Մկրտչյան 12/1



## **ՎԵՐԼՈՒԾՈՒԹՅՈՒՆ 7**

**ԵՎՐԱՄԻԱԿԱՆ ՏՆՏԵՍԱԿԱՆ  
ՄԻՈՒԹՅԱՆ ԵՎ ԻՐԱՆԻ ԻՍԼԱՄԱԿԱՆ  
ՀԱՆՐԱՊԵՏՈՒԹՅԱՆ ՄԻՋԵՎ  
ԱԶԱՏ ԱՌԵՎՏՐԻ ԳՈՏՈՒ ՍՏԵՂԾՄԱՆ  
ՀՆԱՐԱՎՈՐՈՒԹՅՈՒՆՆԵՐԸ ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՆԵԼԻՔՆԵՐԸ**

**Հոկտեմբեր 2019**

**ԵՐԵՎԱՆ**

Վերլուծությունը կատարված է  
ՀՀԳ Բյուրոյի տնտեսական հետազոտությունների գրասենյակի կողմից՝  
Արա Նռանյան  
Սուրեն Պարսյան  
Թադևոս Ավետիսյան  
Արմեն Գրիգորյան  
Կարեն Սկրտչյան

Հրայր Սարուխեան Հիմնադրամը աջակցում է վերլուծության տարածմանը

Ձևավորումն ու էջադրումը՝ Գրիգոր Հակոբյան

## ՎԵՐԼՈՒԾՈՒԹՅՈՒՆ 7.

# Եվրասիական տնտեսական միության և Իրանի Իսլամական Հանրապետության միջև ազատ առևտրի գոտու ստեղծման հնարավորությունները և Հայաստանի Հանրապետության անելիքները

Եվրասիական տնտեսական միությունը (ԵԱՏԱ) իր հիմնադրման պահից մեծ հետաքրքրություն է առաջացրել տարբեր երկրների մոտ: Արդեն իսկ մի շարք պետություններ՝ այդ թվում Վիետնամի Սոցիալիստական Հանրապետությունը, Սինգապուրը, Սերբիան, Հնդկաստանը, Չինաստանը, Եգիպտոսը կնքել են կամ ակտիվ բանակցություններ են վարում ԵԱՏԱ-ի հետ ազատ առևտրի գոտու ստեղծման համաձայնագրի ստորագրման ուղղությամբ:

2015 թվականի հունվարի 2-ից Հայաստանի Հանրապետությունը, տնտեսա-

կան և քաղաքական հիմնավորումներով, անդամակցել է ԵԱՏԱ-ին: Թե անդամակցությանը նախորդող ժամանակաշրջանում, թե Հայաստանի անդամակցությունից հետո ԵԱՏԱ անդամ երկրների միջև տարբեր մակարդակներով



կնքվել են մի շարք պայմանագրեր կամ կայացվել որոշումներ (Ֆինանսական համակարգերի ներդաշնակեցում, կոոպերատիվ կապերի խորացում, միասնական էներգետիկ շուկա և այլն), որոնք կարող են նպաստել տնտեսական ակտիվությանը և ինտեգրացիոն կապերի խորացմանը, փաստացի ընդլայնել պետությունների շուկաները, նպաստավոր պայմաններ ձևավորել ինչպես առկա տնտեսական ներուժը օգտագործելու և զարգացնելու, այնպես էլ միասնական շուկայի շնորհիվ օտարերկրյա ներդրումների ներգրավման համար:

Հայաստանի նման փոքր ներքին շուկա և տնտեսություն ունեցող երկրների դեպքում ինտեգրացիոն միավորումները նաև միջոց են, պատուհան՝ դեպի արտաքին աշխարհ, դեպի՝ նոր շուկաներ: Ասվածի վառ օրինակը կարող է լինել Իրանի Իսլամական Հանրապետության հետ ազատ առևտրի գոտու ստեղծման ժամանակավոր համաձայնագիրը:



Անկախացումից ի վեր հայկական կողմը շրջափակման պայմաններում մեծ ջանքեր է ներդրել Իրանի հետ ազատ առևտրի համաձայնագրի կնքման ուղղությամբ, սակայն երկար և ծանր բանակցություններից հետո էլ անկանխատեսելիորեն, այս կամ այն պատճառներով սառեցվում էր գործընթացը: Թեև Հայաստանի և Իրանի ժողովուրդները ունեն դարավոր հարաբերություններ և կապեր, այնուամենայնիվ իրանական կողմի համար տնտեսական տեսանկյունից մեծ գրավչություն չունեն հայկական շուկայի հետ ազատ տնտեսական գոտու ստեղծումը: Իրավիճակն այլ է ԵՄ-ի միասնական շուկայի դեպքում, քանի որ Իրանը ազատ առևտրի հնարավորություն է ունենալու ոչ թե 3 միլիոնանոց հայկական շուկայում, այլ 180 միլիոնանոց Եվրասիական միությունում:

ԵՄ-ի անդամ երկրներից միայն Հայաստանն է, որն ունի ցամաքային սահման Իրանի Իսլամական Հանրապետության հետ, ավելի մոտիկից ծանոթ է իրանական տնտեսական քաղաքականությանը, ազգային և գործարար ստվորություններին, ապրանքներին, նրանց կողմից կիրարկվող կրոնական պահանջներին և այլն: Այս իրավիճակում միանշանակ էր, որ հայկական կողմը

պետք է ունենար մեծ դերակատարություն: Այնուհանդերձ, Իրանի հետ ազատ առևտրի գոտու ստեղծման բանակցությունները բավականին երկար տևեցին՝ մի քանի փուլերով: Հանդիպումները տեղի էին ունենում ԵՄՏՄ անդամ երկրներում և Իրանի Իսլամական Հանրապետությունում: Բանակցությունների ժամանակ ԵՄՏՄ անդամ յուրաքանչյուր երկիր ձգտում էր պաշտպանել իր ներքին շուկան և արտոնություն ստանալ արտահանման ժամանակ: Օրինակ՝ Քելառուսը դեմ էր իրանական կաթնամթերքի մաքսատուրքերը նվազեցնելուն, Ռուսաստանը դեմ էր խնձորի համար ցածր մաքսատուրքեր սահմանելուն, Հայաստանը և Գրդգստանը փորձում էին սահմանափակել Իրանից բանջարեղենի ներմուծումը և այլն: Հայկական կողմը իր հերթին ձգտում էր ստանալ մի շարք ապրանքատեսակների մասով արտահանման արտոնություններ, մաքսատուրքերի նվազեցում. դրանք են՝ սիգարետ, պահածոներ, հանքային ջուր, գազավորված ըմպելիքներ, տավարի միս, տեքստիլ արտադրանք և այլն:

Եվ այսպես, բավական բարդ բանակցությունների արդյունքում 2018թ. մայիսի 17-ին Աստանայի տնտեսական համաժողովի շրջանակներում ստորագրվեց «Եվրասիական տնտեսական միության ու դրա անդամ պետությունների և Իրանի Իսլամական Հանրապետության միջև ազատ առևտրի գոտու ձևավորմանը միտված ժամանակավոր համաձայնագիրը» (այսուհետ՝ Համաձայնագիր):

Այս փաստաթուղթն Իրանի և ԵՄՏՄ-ի միջև ազատ առևտրի գոտու ստեղծման առաջին փուլն է ներկայացնում: Ժամանակավոր համաձայնագիրը կնքվում է երեք տարի ժամկետով, որի ընթացքում կողմերը պետք է համաձայնության գան ազատ առևտրի գոտու մասին լիարժեք համաձայնագրի մասին:

Առավել բարենպաստ ռեժիմի ապահովման նպատակով Համաձայնագրով նախատեսվում են Կողմերի հորիզոնական պարտավորությունների, ազգային ռեժիմի, ապրանքների արտահանման և ներմուծման գործընթացների ժամանակ կիրառվող կանոնակարգերի թափանցիկություն, հստակություն, ինչպես նաև ընդհանուր առևտրում պաշտպանիչ միջոցների կիրառման ժա-

մանակ Առևտրի համաշխարհային կազմակերպության (այսուհետ՝ ԱՀԿ) նորմերի ապահովում:

Համաձայնագրում ամրագրվել է դրույթ, համաձայն որի սահմանի վրա իրանական կողմից գանձվող տուրքերի և վճարների չափը պետք է սահմանվի մատուցվող ծառայությունների գնին համապատասխան և չկիրառվի որպես ներքին արտադրողների համար սահմանված պաշտպանիչ միջոց կամ լրացուցիչ տուրք:

Այն ապրանքների մասով, որոնք ներառված են Համաձայնագրին կից ցանկերում, նախատեսված են դրույթներ, համաձայն որոնց Կողմերը պարտավորվում են չկիրառել քանակային սահմանափակումներ, իսկ տեխնիկական խոչընդոտների և սանիտարական, անասնաբուժական և ֆիտոսանիտարական միջոցների մասով՝ առաջնորդվել ԱՀԿ բազային սկզբունքներով:

Համաձայնագրի անբաժանելի մաս են հանդիսանում նաև կից ցանկերը, որոնց մեջ ներառված ապրանքատեսակների նկատմամբ Կողմերը պարտատ են տրամադրել սակագնային արտոնություններ, այսինքն՝ մաքսատուրքերի նվազեցում: Եշված ցանկերում ներառված են ինչպես գյուղատնտեսական, այնպես էլ արդյունաբերական ապրանքներ: Իրանական կողմին տրվել է 306 տասանիշ ԱՏԳ դասակարգման ապրանքների սակագնային արտոնություն, իսկ ԵԱՏՄ-ին՝ 303 ութանիշ դասակարգման ապրանքների սակագնային արտոնություն: Այսինքն՝ ի հաշիվ ութանիշ դասակարգման՝ ԵԱՏՄ-ի ավելի շատ ապրանքներ կունենան սակագնային արտոնություն: Սիաժանանակ, ի տարբերություն ԵԱՏՄ-ի, իրանական կողմը զրոյական մաքսատուրքի որևէ արտոնություն չի տրամադրել:

Եվրասիական տնտեսական միության անդամ երկրների կողմից մշակված ցանկում **Հավելված 1**՝ հայկական կողմից ներկայացված առաջարկներում հիմնականում ներառված են Հայաստանի Հանրապետության արտահանման առաջնային հետաքրքրություն ունեցող ապրանքներ, որոնք ունեն նաև մեծ տեսակարար կշիռ Հայաստանի Հանրապետությունից Իրանի Իսլամական Հանրապետություն արտահանման ծավալներում, մասնավորապես՝




- ❑ **տավարի միս** – մաքսատուրքը 26 տոկոսի փոխարեն լինելու է 10 տոկոս,
- ❑ **հանրային և գազավորված ջրեր, որոնք պարունակում են շաքարի կամ այլ քաղցրացնող կամ համարուրավետիչ նյութեր, ոչ ոգելից խմիչքներ** – մաքսատուրքը 55 տոկոսի փոխարեն լինելու է 14 տոկոս,
- ❑ **դեղամիջոցներ** – մաքսատուրքը 37 տոկոսի փոխարեն լինելու է 18.5 տոկոս,
- ❑ **տրիկոտաժե արտադրանք** – մաքսատուրքը 55 տոկոսի փոխարեն լինելու է 38.5 տոկոս, և այլն:



Հարկ է նշել, որ **շոկոլադ և կակաո պարունակող սննդամթերքի, հրուշակեղենի** մասով իրանական կողմը համաձայնել է տրամադրել մաքսատուրքի դրույքաչափի իջեցում, սակայն նույն ապրանքների մասով առաջարկվել է կիրառել փոխադարձ զիջումներ:

Իրանի Իսլամական Հանրապետության (ԻԻՀ) մաքսային համակարգի առանձնահատկություններից մեկն էլ այն է, որ լիազոր մարմինը, ելնելով տնտեսական իրավիճակից, կարող է գերատեսչական հրամանով բարձրացնել և իջեցնել մաքսատուրքերը, ինչը անկանխատեսելիություն է հաղորդում ներնուծման գործընթացին: Իրավիճակը հստակեցնելու նպատակով որոշ ապրանքատեսակների մասով առաջարկվել է գործող մաքսատուրքի դրույքաչափի պահպանում (սառեցում): Նշված ցանկում հայկական կողմից հետաքրքրություն ունեցող ապրանքներից են **ոչխարի միսը, ձուկը՝ 5 տոկոս մաքսատուրք, մեղրը՝ 55 տոկոս մաքսատուրք:**



Փոխադարձ զիջումների արդյունքում իրանական կողմից մշակված ցանկում **Հավելված 2.** ներառված են այնպիսի գյուղատնտեսական ապրանքներ, ինչպիսիք են կարտոֆիլը, լոլիկը, կաղամբը, վարունգը, խնձորը, լոլիկի մածուկը և խնձորի հյութը: Սույն ապրանքների ներնուծումը Հայաստան և/կամ ԵԱՀԿ անդամ մյուս երկրներ կիսատացնի մրցակցությունը, տեղական արտադրողները պարտադրված կլինեն վերանայել իրենց արտադրատնտեսական քաղաքականությունը՝ հակառակ դեպքում իրանական ցածր գներով ապրանքները դուրս կնղեն շուկայից: 2018 թվական

նին նման իրավիճակ գրանցվեց ցեմենտի շուկայում, երբ իրանական ցեմենտը արժեզրկված թունանի և ցածր էներգակիրների գների պայմաններում հայկական ցեմենտ արտադրողներին մեծ հարված հասցրեց, և կառավարությունը պարտադրված էր ընդունել ներքին շուկայի պաշտպանության միջոցներ: Նման իրավիճակ հնարավոր է նաև այլ ապրանքային շուկաներում:

Համաձայնագիրը արդեն վավերացրել են բոլոր կողմերը, այն ուժի մեջ է մտել 2019 թվականի հոկտեմբերի 27-ին:



Ցավոք, հայկական կողմը ոչ թե նախապատրաստվում, այլ սպասում էր Համաձայնագրի ուժի մեջ մտնելուն: Առ այսօր առկա չեն տնտեսական նախագծեր, չկան կոնկրետ պայմանավորվածություններ, որոնք կարող են կարճ ժամկետներում կյանքի կոչվել:

Համաձայնագիրը միաժամանակ լայն հնարավորություններ է ընձեռում Հայաստանին և ԻԻՀ-ին ընդլայնել և խորացնել արտաքին տնտեսական հարաբերությունները: ԵՍՍՄ անդամ հանդիսացող Հայաստանը, ունենալով արտոնյալ առևտրային ռեժիմներ (GSP, GSP+) նաև Եվրամիության, ԱՄՆ-ի և այլ երկրների հետ, կարող է և պետք է դառնա կանուրջ իրանական ապրանքների համար: Օրինակ՝ ԻԻՀ-ից ներմուծված բանջարեղենը հնարավոր է վերանշակել Հայաստանում և արտահանել այլ երկրներ: Հայաստանում արտադրության կազմակերպումը առավել գրավիչ կդարձնի Մեղրիում տեղակայված ազատ տնտեսական գոտին, որտեղ գործունեություն ծավալող տնտեսվարող սուբյեկտները կազատվեն մի շարք հարկատեսակներից:



Երկար սպասված Համաձայնագրից արդյունավետ օգտվելը պետք է դառնա Հայաստանի տնտեսական առաջնահերթություններից մեկը, և այս հանգրվանում նպատահարմար է իրականացնել հետևյալ քայլերը.

- ❑ Համաձայնագրից բխող սակագնային արտոնությունների մասին տեղեկատվություն տարածել՝ հստակ նշելով մաքսատուրքերի նվազեցումները,



- ❑ Համաձայնագրին կից հրապարակել նաև այլ երկրների կողմից Հայաստանին տրամադրված արտոնյալ առևտրային ռեժիմի (GSP, GSP+) տակ ընկնող ապրանքների ցանկը,
- ❑ Իրանահայերի մասնակցությամբ կազմակերպել բիզնես համաժողով՝ խրախուսելով հայ-իրանական կոոպերատիվ կապերի ստեղծումը,
- ❑ Պետության-մասնավոր համագործակցության շրջանակում ֆինանսավորել հայ-իրանական նոր բիզնես նախագծերը,
- ❑ Հայրենական արտադրությունը պաշտպանելու նպատակով՝ մշակել և կյանքի կոչել ոլորտային աջակցության պետական ծրագրեր՝ առաջնահերթ համարելով գյուղատնտեսությունը:

2017 թվականի համեմատ 2018 թվականին ՀՀ-ԻԻՀ ընդհանուր առևտրաշրջանառությունը աճել է 40,5 տոկոս: ԻԻՀ-ից ՀՀ ներմուծումը ավելացել է 54,2 տոկոս: զգալիորեն ավելացել են բնական գազի, ցեմենտի, նավթամթերքի ներկրման ծավալները, իսկ ՀՀ-ից ԻԻՀ արտահանումը ավելացել է 12 տոկոս (տես Աղյուսակներ 1., 2. և 3.):

**Աղյուսակ 1.** ԸՇ արտաքին և փոխադարձ առևտրի առևտրաշրջանառություն, այդ թվում՝ ԻԻՀ-ի հետ (մլն ԱՄՆ դոլար)

ԵՐԿԻՐ	2015	2016	աճի տեմպ %	2017	աճի տեմպ %	2018	աճի տեմպ %	2018 հունվար-օգոստոս	2019 հունվար-օգոստոս	աճի տեմպ %
Ընդհանուր առևտրաշրջանառություն, այդ թվում՝	4724.6	5065.2	107.2	6334.8	125.1	7387.97	116.6	4750.2	4844.3	102.0
Ոչ ԵՄՏՍ անդամ երկրներ, այդ թվում՝	2142.7	2313.4	108.0	2854.3	123.4	3337.3	116.9	2106.83	2308.92	109.6
<b>ԻԻՀ</b>	<b>280.08</b>	<b>239.2</b>	<b>85.4</b>	<b>258.8</b>	<b>108.2</b>	<b>363.5</b>	<b>140.5</b>	<b>216.5</b>	<b>244.0</b>	<b>112.7</b>

**Աղյուսակ 2.** ԸՆ ներմուծում, այդ թվում ԻԻԸ-ից (մլն ԱՄՆ դոլար) ըստ ծագման երկրի հասկանիչի

ԵՐԿԻՐ	2015	2016	աճի տեմպ %	2017	աճի տեմպ %	2018	աճի տեմպ %	2018 հունվար-օգոստոս	2019 հունվար-օգոստոս	աճի տեմպ %
Ընդհանուր ներմուծում, այդ թվում՝	3239.2	3273.5	101.1	4097.1	125.2	4975.54	121.4	3162.7	3184.1	100.7
Ոչ ԵՍՍՄ անդամ երկրներ, այդ թվում՝	1363.6	1413.4	103.7	1845.4	130.6	2327.3	126.1	1459.9	1530.85	104.9
<b>ԻԻՀ</b>	<b>198.4</b>	<b>164.0</b>	<b>82.7</b>	<b>174.70</b>	<b>106.5</b>	<b>269.34</b>	<b>154.2</b>	<b>153.58</b>	<b>191.33</b>	<b>124.6</b>

**Աղյուսակ 3.** ԸԸ-ից արտահանում, այդ թվում ԻԻԸ (մլն ԱՄՆ դոլար)

ԵՐԿԻՐ	2015	2016	աճի տեմպ %	2017	աճի տեմպ %	2018	աճի տեմպ %	2018 հունվար-օգոստոս	2019 հունվար-օգոստոս	աճի տեմպ %
Ընդհանուր արտահանում, այդ թվում՝	1485.3	1791.7	120.6	2237.7	124.9	2412.43	107.8	1587.5	1660.2	104.6
Ոչ ԵՍՍՄ անդամ երկրներ, այդ թվում՝	779.1	900.0	115.5	1008.9	112.1	1010.0	100.1	646.93	778.07	120.3
<b>ԻԻՀ</b>	<b>81.72</b>	<b>75.23</b>	<b>92.1</b>	<b>84.1</b>	<b>111.8</b>	<b>94.2</b>	<b>112.0</b>	<b>62.9</b>	<b>52.7</b>	<b>83.7</b>

Աղյուսակներ 1, 2 և 3 կազմվել են ըստ ԸԸ վիճակագրական կոմիտեի կողմից հրապարակված տվյալների

Ստատիստիկ է, որ 2019 թվականի հունվար-օգոստոս ամիսներին, 2018 թվականի միևնույն ժամանակահատվածի համեմատ, ՀՀ-ԻԻՀ ընդհանուր առևտրաշրջանառությունը աճել է 12.3 տոկոսով, որը ապահովվել է ի հաշիվ ԻԻՀ-ից ներմուծման 24.6 տոկոս աճի, իսկ դեպի ԻԻՀ արտահանումը նվազել է 16.7 տոկոս, որը հիմնականում բացատրվում է 2019 թվականի առաջին կիսամյակի ընթացքում էլեկտրաէներգիայի արտահանման ծավալների 36.4 տոկոսով կրճատմանը (տե՛ս Ցանկեր 1. և 2.):



ԵԱՏՄ և ԻԻՀ միջև ազատ առևտրի գոտու ձևավորմանը միտված ժամանակավոր համաձայնագիրը կոչված է անրապնդել հյուսիս-հարավ ռազմավարական դաշնակցային հարաբերությունները, առավել հզորացնել մեր տարածաշրջանի տնտեսական գրավչությունը և բարձրացնել անվտանգության անկարգակր:

**Ցանկ 1.** 2018-2019թթ. առաջին կիսամյակի ընթացքում Հայաստանի Հանրապետությունից Իրանի Իսլամական Հանրապետություն արտահանված 10 առավելագույն մաքսային արժեք ունեցող ապրանքներ (հազ. ԱՄՆ դոլար)

US\$ ՄՄ ծավալագիր	Ապրանքի անվանումը	Հ/մ	2018թ 1 կիս.		2019թ 1 կիս.		աճի տեմպ %	տեսակարար կշիռ %
			բանակ	մ.արժեք	բանակ	մ.արժեք		
	Ընդամենը՝ այդ թվում			49555.9		33598.5	67.8	
2716	Էլեկտրաէներգիա	մլն կվտ/ժ	928.5	46413.2	538.3	29499.6	63.6	87.8
8548	Թափոն և ջարդոն սկզբնական տարրերի, մարտկոցի և էլեկտրական կուտակիչի	հազ. հատ	89.3	737.6	106.9	1389.2	188.3	4.1
2403	Ծխախոտի այլ պատրաստուկ և փոխարինիչ; խտանիյթ	տոննա	0.0	0.0	8.8	424.7	-	1.3
7204	Թափոն և ջարդոն սև մետաղի; շիխտային ձուլակտոր	տոննա	0.0	0.0	1519.6	311.1	-	0.9
0204	Ոչխարի կան այծի միս	տոննա	235.7	1203.0	45.1	292.1	24.3	0.9
3603	Քուղեր՝ բիքֆորոյան, ճայթեցնող; հրապատիճ; բռնկիչ; էլեկտրաճայթիչ	հազ. հատ	155.4	149.2	258.3	248.0	166.2	0.7
8431	Մասեր, 8425-8430 դիրքերի սարքավորումների համար	տոննա	0.0	0.0	8.1	187.6	-	0.6
8481	Ծորակ, կափույր և նման անրան խողովակատարի, կաթասյի, ջրամբարի կան նման տարողության համար	կգ	0.0	0.0	412.5	107.9	-	0.3
7602	Թափոն և ջարդոն այլոմիների	տոննա	0.0	0.0	80.4	83.6	-	0.2
8413	Պոմպ; վերհան՝ հեղուկի	կգ	0.0	0.0	105.3	82.6	-	0.2

Ցանկ 2. 2018–2019թթ. առաջին կիսամյակի ընթացքում Հայաստանի Հանրապետություն Իրանի Իսլամական Հանրապետությունից ներմուծված 10 առավելագույն մաքսային արժեք ունեցող ապրանքներ (հազ. ԱՄՆ դոլար)

US\$ ՍՍ ծածկագիր	Ապրանքի անվանումը	չ/մ	2018թ I կիս.		2019թ I կիս.		աճի տեմպ % կողմ	տեսակաբար կլիճ %
			քանակ	մ.պրմբ	քանակ	մ.պրմբ		
	Ընդամենը՝ այդ թվում			102893.4		132351.3	128.6	
2711	Գազ բնական և հեղուկ	հազ. խմ	195246.5	29287.0	118031.0	24648.3	84.2	18.6
2523	Ցեմենտ	տոննա	39579.3	4055.8	144437.3	22440.8	5.5 անգ.	17.0
2710	Նավթ և նավթամթերք՝ ոչ հում	տոննա	2081.7	1805.4	8401.1	6870.9	3.8 անգ.	5.2
3901	Պոլիմերներ էթիլենի, սկզբնական ձևերով	տոննա	5055.8	7296.3	4754.0	6279.8	86.1	4.7
2713	Կոքս, բիտում և նավթամթերքի վերամշակումից այլ մնացորդ	տոննա	15276.8	5368.9	12446.9	4273.9	79.6	3.2
6907	Սպիկներ երեսպատման խեցեգործ՝ չճնարակած	հազ. քմ	1179.1	4673.5	1455.6	4072.5	87.1	3.1
7210	Հարթ գլանվածք երկաթից; ամխածնային պողպատից >=600մմ, պատվածքով	տոննա	3857.6	3114.5	5185.9	3560.5	114.3	2.7
3102	Պարարտանյութեր հանրային կամ քիմիական, ազոտական	տ (N)	2182.9	1914.8	48998.9	3237.1	169.1	2.4
7306	Խողովակ, փողակ և տրամատ սնամեջ այլ, սև մետաղից	տոննա	955.5	582.1	5823.9	2903.6	5 անգ.	2.2
7202	Երկաթահամահավվածք	տոննա	2014.7	3102.8	2297.6	2644.0	85.2	2.0

Ցանկեր 1 և 2 կազմվել են ըստ ՀՀ պետական եկամտների կոմիտեի կողմից հրապարակված տվյալների

ԵՍՍՍ կողմից Իրանի հետ կնքված համաձայնագիրը բացառիկ հնարավորություն է Հայաստանի համար երկրի տնտեսությունը հասցնել բոլորովին այլ մակարդակի: Սա հնարավորություն է, որից օգտվելու համար անհրաժեշտ է երկրի առջև դրված խնդիրների գիտակցում, դրանք լուծելու հստակ ռազմավարություն, կոնկրետ գործողությունների իրականացման ժամանակացույց, ինչպես նաև համապատասխան բարձրակարգ կառավարիչ թիմ, որը ունակ է ամենօրյա քրտնաջան աշխատանքի միջոցով որակապես նոր շունչ հաղորդել երկրի տնտեսական քաղաքականությանը:



**ՀԱՎԵԼՎԱԾ 1. ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅԱՆ  
ՍՏԱՆՁՆԱԾ ՍԱԿԱԳՆԱՅԻՆ ՊԱՐՏԱՎՈՐՈՒԹՅՈՒՆՆԵՐԸ**



**ՀԱՎԵԼՎԱԾ 2. ԵՎՐԱՍԻԱԿԱՆ ՏՆՏԵՍԱԿԱՆ ՄԻՈՒԹՅԱՆ  
ՍՏԱՆՁՆԱԾ ՍԱԿԱԳՆԱՅԻՆ ՊԱՐՏԱՎՈՐՈՒԹՅՈՒՆՆԵՐԸ**





### **Վերլուծություն 1**

Կարագի գնի բարձրացման պատճառները:  
Մենաշնորհների դեմ պայքարի մեխանիզմները:



### **Վերլուծություն 2**

Վառելիքային շուկայի առկա հիմնախնդիրները  
և հնարավոր լուծման ուղիները ՀՀ-ում:



### **Վերլուծություն 3**

Շյուսիս-հարավ ճանապարհային միջանցքի ներդրումային  
ծրագրի առկա վիճակը և խնդիրները:



### **Վերլուծություն 4**

Անրաձախ առևտրի համակենտրոնացման  
միտումները ՀՀ-ում:



### **Վերլուծություն 5**

Պարտադիր կուտակային կենսաթոշակային  
համակարգի մասին



### **Վերլուծություն 6**

Հայաստանում աշխատանքային իրավունքների  
պաշտպանություն. բացահայտված խնդիրներ  
և մտահոգիչ դրսևորումներ, հնարավոր լուծումներ





## ՀՐԱՅՐ ՄԱՐՈՒԻՅԱՆ ՀԻՄՆԱԴՐԱՍ

Հրայր Մարուխյան Հիմնադրանքը հիմնադրվել է Հայաստանի Հանրապետությունում 2009թ.-ին՝ Հայ Յեղափոխական Դաշնակցության Հայաստանի Գերագույն Մարմնի կողմից: Այն հանդիսանում է շահույթ չհետապնդող հիմնադրամ, որի նպատակն է հանրային, քաղաքական խնդիրների լուծման առաջխաղացումն ու զարգացումը, որոնք նպաստում են սոցիալական ժողովրդավարության հիմնական արժեքների տարածմանը՝ կրթական եւ ուսումնական ծրագրերի, ուսումնասիրությունների եւ տարածաշրջանային ու միջազգային համագործակցության միջոցով:

[www.maroukhianfoundation.org/am/](http://www.maroukhianfoundation.org/am/)  
[www.facebook.com/HrayrMaroukhianfoundation/](https://www.facebook.com/HrayrMaroukhianfoundation/)



## ՀՅԴ ԲՅՈՒՐՈՅԻ ՏՆՏԵՍԱԿԱՆ ՀԵՏԱԶՈՏՈՒԹՅՈՒՆՆԵՐԻ ԳՐԱՍԵՆՅԱԿ

ՀՅԴ Բյուրոյի տնտեսական հետազոտությունների գրասենյակը կազմավորվել է 2017 թվականի ամռան ընթացքում: Գրասենյակի գործունեության հիմնական նպատակն է Հայ Յեղափոխական Դաշնակցության քաղաքական և սոցիալ-տնտեսական նպատակարարության մշակումը և իրագործման մշտադիտարկումը (մոնիտորինգը):